

Arfininngorneq 16. maj 1998

UPA 1998/18-3

**Naligiisitaanissamut Siunnersuisoqatigiit pillugit Inatsisartut inatsisissaannut
siunnersuut**

pillugu

Inatsisartut Isumaginninnermut Suliffeqarnermullu Ataatsimiititaliaata

ISUMALIUTISSIISUTAA

siunnersuutip pingajussaanneernejarneranut saqqummiunneqartoq

Inatsisartut Isumaginninnermut Suliffeqarnermullu Ataatsimiititaliaata
suliarinninnermini ilaasortarai:

inatsisartunut ilaasortaq Finn Karlsen (A), formand
inatsisartunut ilaasortaq Ruth Heilmann (S)
inatsisartunut ilaasortaq Lānguaq Lyngø (S)
inatsisartunut ilaasortaq Jakob Sivertsen (A)
inatsisartunut ilaasortaq Lars Sørensen (IA)

Inatsisartut Isumaginninnermut Suliffeqarnermullu Ataatsimiititaliaa
Naligiisitaanissamut Siunnersuisoqatigiit Inatsisartut inatsisissaannut siunnersuutip
Inatsisartuni aappassaanneernejareermat ataatsimiissimavoq tallimangorneq 15.
april 1998.

Ataatsimiititaliap ataatsimiinnermini Inatsisartuni inatsisissamut siunnersuut pillugu
aappassaanneernejarneranut allannguutissatut Anthon Frederiksen-imit
siunnersuutigineqartoq inatsisissamut siunnersuummi 3§-mut immikkoortoq 3-mut
tunngatillugu partiit inatsisartuni sinniisuutitaqarnerpaat kisimik pinnatik partiit
tamarmik sinniisuutitaqalersussanngorlugit allannguutissatut siunnersuut.

Ataatsimiititaliaq isumaqatigiisooq Anthon Frederiksen-ip siunnersuutaanut
atatillugu imatut erseqqissaateqarniarpoq. Ataatsimiititaliani pingaartumillu
Siunnersuisoqatigiinni inuttalersuisarnej eqqarsaatigalugu ileqqummat partiit
inatsisartuni sinniisuutitaqarnerpaat pisarnej malillugu tamarmik
siunnersuisoqatigiinnut suugaluartunut sinniisuutitaqarnerat. Taamaattumik Anthon
Frederiksen-ip siunnersuutaa Ataatsimiititaliap isumaqatigiissup
akuersaarsinnaangilaa.

Kiisalu Ataatsimiititaliap oqaluuserisimvai Siumumiit Naligiisitaanissamut Siunnersuisoqatigiit inuttalersugaanerannut tunngasumik inatsissatut siunnersuummi kapitel 3, § 3, immikkoortoq 2-mut tunngatillugu kiisalu immikkoortoq 3-mut politikikkut partiit sinniisoqarnerannut tunngatillugu allannguutissatut siunnersuutigineqartut.

Inatsisartut Isumaginninnermut Suliffeqarnermullu Ataatsimiititaliami ilaasortat amerlanerussuteqartut, Atassutip Inuit Ataqtigiillu sinniisuutitaat inatsissatut siunnersuutit aappassaanneerqarneranut atatillugu Ataatsimiititaliap isumaliutissiissutaani ilaasortanillu tamanit atsiorneqarsimasumi allannguutissatut siunnersuutaasut Naalakkersuisullu akissuteqarnerminni tapersersugaat aalajangiusimaneqarnissaa aalajangiusimavaat:

Kapitali 3, imm. 2, nr. 3-tut nutaatut ilanngunneqassaaq:

3) Sulinermik Inuussutissarsiuteqartut Kattuffiat

Kapitali 3, imm. 4, nr. 2-tut nutaatut ilanngunneqassaaq:

2) Kalaallit Nunaanni sulisitsisut peqatigiiffii aamma Nunatsinni Atorfillit Kattuffissuat.

Ataatsimiititaliap taamatuttaaq Naligiissitaanissamut Siunnersuisoqatigiit ukiumoortumik nalunaaruteqartarnissaat oqallisigaa, imalu allanngortitsisoqarnissaa siunnersuutigalugu:

Kapitali 2-mi imm. 3-tut nutaatut ilanngunneqassaaq:

Imm. 3. Naligiissitaanissamut Siunnersuisoqatigiit ukiut tamaasa ukiumi qaangiuttumi sulineq pillugu Inatsisartunut nalunaarusiortassapput.

Taamatut oqaaseqarluni allannguutissatullu siunnersuuteqarluni Inatsisartut Isumaginninnermut Suliffeqarnermullu Ataatsimiititaliaata inassutigissavaa Naligiissitaanissamut Siunnersuisoqatigiit pillugit Inatsisartut inatsisissaattut siunnersuut taama isikkoqarluni pingajussaanneerqassasoq.

Ataatsimiititaliami ilaasortat Siumut sinnerlugu aallartitaasut ikinnerussuteqarlutik imatut oqaaseqaateqarput:

Inatsisartuni oqaluuserisassat immikkoortuisa 18-at pillugu.

Naligiissitaanissamut Siunnersuisoqatigiit pillugit Inatsisartut inatsisissaata inuttalersugaanissaanut atatillugu Siumumiit ikinnerussuteqarluni oqaaseqaatissat:

§ 3, imm. 2-mut Siumup allannguutissamik siunnersuutaa ukuninnga inuttaqarnissaanik siunnersuutitaqartoq:

- 1) Kommunit Kattuffiat
- 2) Saaffiginnittarfiit Qimarnguiillu Kattuffiat
- 3) Kalaallit Nunaanni sulisitsisut suliffiutillillu kattuffii
- 4) Arnat Peqatigiit Kattuffiat
- 5) Sulinermik Inuussutissarsiuteqartut Kattuffiat
- 6) Nunatsinni Atorfillit Kattuffiat
- 7) Sorlak
- 8) Kalaallit Nunaanni Aalisartut Piniartullu Kattuffiat
- 9) Aalisartut piniartullu nuliaasa aappaasalu Peqatigiiffiat

Inatsisartuni partiit annerit pingasut toqqagaat kiisalu siulittaasoq Naalakkersuisunit toqqagaasoq ilanngullugu katillugit 13-nik ilasortaqaartussaqaq Ataatsimiititaliami amerlanerussuteqartunit itigartinneqartoq Siumumi aalajangiusimavarput.

Taamaattumillu ikinnerussuteqarluta oqaaseqaatigalugu matumuuna nalunaarutigissallugu.

Finn Karlsen (A)
ataatsimiititaliami
siulittaasoq

Ruth Heilmann (S)

Jakob Sivertsen (A)

Lānguaq Lyngge (S)

Lars Sørensen (IA)